



Халқ сўзи

Ўзбекистон — келажаги буюк давлат

2020 йил — ИЛМ, МАЪРИФАТ ВА РАҚАМЛИ ИҚТИСОДИЁТНИ РИВОЖЛАНТИРИШ ЙИЛИ

1991 йил 1 январдан чиқа бошлаган

WWW.XS.UZ

E-mail: info@xs.uz

2020 йил 27 август, № 181 (7683)

Пайшанба

Сайтимизга ўтиш учун QR-кодни телефонингиз орқали сканер қилинг.



СЕН — ҚУДРАТ МАНБАИ, САОДАТ МАСКАНИ, ЖОНАЖОН ЎЗБЕКИСТОНИМ!

Ўзбекистон Республикаси Президентининг ФАРМОНИ «МЕҲР-САХОВАТ» КЎКРАК НИШОНИ БИЛАН МУКОФОТЛАШ ТЎҒРИСИДА

Бугунги кунда бутун инсоният қатори кўп миллатли халқимиз ҳам коронавирус пандемияси оқибатида юз берган оғир синов ва қийинчиликларга қарши саботманот билан кураш олиб бормоқда.

Ушбу улкан офатнинг мамлакатимиз ҳаётига салбий таъсирини юмшатиш, фуқаролар саломатлигини асраш, уларни ижтимоий ҳимоя қилиш бўйича давлатимиз ва жамиятимиз томонидан ўз вақтида қўрилган чора-тадбирлар самарасини бермоқда. Мана шундай мураккаб ва таҳликали вазиятда мард ва жасур, олижаноб халқимиз янада жипслашиб, ўзаро ёрдам, меҳр-оқибат, ҳамжиҳатлик ва аҳиллик каби юксак инсоний фазилатлар соҳибид эканини яна бир бор амалда намойён этмоқда.

Глобал пандемия ҳамда турли табиий офат ва фавқулодда ҳолатларга қарши курашиш, уларнинг оқибатларини бартараф этиш, аҳолининг ижтимоий ҳимояга муҳтож қатламларини ҳар томонлама қўллаб-қувватлаш, бу борадаги ишларни умумхалқ ҳаракати даражасига кўтаришга катта ҳисса қўшган, жамиятимизда тинчлик-осойишталик, дўстлик ва тотувлик муҳитини мустақамлашда фаол иштирок этаётган, бегараз ҳомилийк ёрдами ҳамда эзгу ишлари билан барчага ўрнатқ бўлаётган юрдошларимизни муносиб тақдирлаш мақсадида:

1. Соғлиқни сақлаш соҳасининг жонкуяр вакиллари, саховатли тадбиркорлар, давлат ва жамоат таъкилотларининг фидойи ходимлари ҳамда бошқа ташаббускор ва фаол фуқаролар «Меҳр-саховат» кўкрак нишони билан мукофотлансин.

2. Ўзбекистон Республикаси Вазирлар Маҳкамаси «Меҳр-саховат» кўкрак нишони билан тақдирлаш бўйича вазирликлар, идоралар, хўжалик бошқаруви органлари, жамоат бирлашмалари ва бошқа республика таъкилотлари ҳамда Қорақалпоғистон Республикаси Жўқорги Кенгеси, вилоятлар ва Тошкент шаҳар ҳокимликлари томонидан тақдим этилган рўйхатларни кўриб чиқсин ва тасдиқласин.

3. Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги, Ўзбекистон Миллий ахборот агентлиги, Ўзбекистон Миллий телерадиокомпанияси ва бошқа оммавий ахборот воситаларига «Меҳр-саховат» кўкрак нишонларини топширишга бағишланган тадбирларни кенг ёритиш тавсия этилсин.

4. Мазкур Фармоннинг ижросини назорат қилиш Ўзбекистон Республикасининг Бош вазири А. Н. Арипов ва Ўзбекистон Республикаси Президенти Администрацияси раҳбари З. Ш. Низомидинов зиммасига юклансин.

Ўзбекистон Республикаси Президенти Ш. МИРЗИЁЕВ

Тошкент шаҳри, 2020 йил 26 август

Ўзбекистон Республикаси Президентининг ҚАРОРИ

АҲОЛИНИ ИЖТимоий Қўллаб-қувватлашга қаратилган қўшимча чора-тадбирлар тўғрисида

Коронавирус пандемиясининг аҳоли турмуш даражасига салбий таъсирини юмшатиш, аҳолини ижтимоий ҳимоя қилиш ва кўмакка муҳтож оилаларни моддий қўллаб-қувватлашга қаратилган тизимли ишлар амалга оширилмоқда.

Хусусан, Ўзбекистон Республикаси Президентининг 2020 йил 30 июлдаги «Коронавирус пандемияси даврида ижтимоий ҳимояга ва ёрдамга муҳтож аҳоли қатламларини моддий қўллаб-қувватлашга доир қўшимча чора-тадбирлар тўғрисида»ги ПФ-6038-сон Фармонида назарда тутилган ҳамда муносорлиги кам таъминланган ва ҳимояга муҳтож одамларга кенг қўламини ижтимоий ёрдам кўрсатилади.

Халқимизнинг тарихий ва маънавий қадриятларини намойён этган «Саховат ва кўмак» умумхалқ ҳаракатини давом эттириш ҳамда моддий ёрдам ва кўмакка муҳтож оилаларнинг ижтимоий ҳимоясини таъминлаш мақсадида:

1. 2020 йилнинг сентябрь ойида аҳолининг кўйидаги қатламларига бир марталик моддий ёрдам кўрсатилинсин; моддий ёрдам ва кўмакка муҳтож оилаларнинг рўйхатлари («темир дафтар»)га киритилган оилаларнинг 16 ёшга тўлмаган болаларига; боқувчисини йўқотганлик

муҳтож аҳоли қатламларини моддий қўллаб-қувватлашга доир қўшимча чора-тадбирлар тўғрисида»ги ПФ-6038-сон Фармонида назарда тутилган ҳамда бошқа қўшимча манбалар ҳисобидан ажратсин.

5. Мазкур қарорда назарда тутилган маблағларнинг ёрдам ва кўмакка муҳтож оилаларга мақсадли ва манзилли етказилиши юзасидан:

Молия вазирлиги ҳузуридаги Пенсия жамғармаси — боқувчисини йўқотган оилаларнинг вояга етмаган фарзандлари ҳамда ногиронлиги бўлган 16 ёшга тўлмаган болаларга моддий ёрдам пулларининг пенсияларини (нафақаларини) тўлаш учун белгиланган муддатда манзилли етказилиши ташкил этиш бўйича;

Қорақалпоғистон Республикаси Вазирлар Кенгаши раиси, вилоятлар, Тошкент шаҳар, туман (шаҳар) ҳокимлари, сектор раҳбарлари ҳамда Маҳалла ва оилани қўллаб-қувватлаш вазирлигининг ҳудудий бўлиmlари раҳбарлари —

Ўзбекистон Республикаси Президенти Ш. МИРЗИЁЕВ

Тошкент шаҳри, 2020 йил 26 август

МЕҲР-МУРУВВАТ, ХАЙР-САХОВАТ КАБИ АЗАЛИЙ ҚАДРИЯТЛАР БАРДАВОМЛИГИ ИФОДАСИ

Президентимизнинг «Аҳолини ижтимоий қўллаб-қувватлашга қаратилган қўшимча чора-тадбирлар тўғрисида»ги қарори халқимизнинг меҳр-мурувват, хайр-саховат каби азалий қадриятлари бардавомлигини яна бир бор намойён бўлди. Шу билан бирга, пандемия шароитида давлатимиз томонидан фуқароларни қўллаб-қувватлаш билан боғлиқ чора-тадбирлар илҳом ва ҳодимларнинг ифодасида.

Мазкур ҳужжатнинг маъзун-моҳияти, аҳамияти ва унинг ижроси доирасида амалга ошириладиган ишлар ҳақида мутасадди таъкилотлар вакиллари билан фикр-мулоҳазаларини ёзиб олдик.

Муносабат

Дилшод СУЛТОНОВ, молия вазири ўринбосари:

— Бир ой олдин пандемия тўғрисида кўмакка муҳтож бўлиб қолган оилаларнинг рўйхати шакллантирилиб, «темир дафтар»га киритилган ва уларнинг ҳар бирига ўртача бир миллион сўмдан тарқатилган эди. Бу ҳайрли иш учун 400 миллиард сўмга яқин маблағ сарфланганди. Маз-

муҳтож оилаларнинг рўйхатлари («темир дафтар»)га киритилган оилаларнинг 16 ёшга тўлмаган болалари, иккинчидан, боқувчисини йўқотганлик нафақасини олвчи оилаларнинг 16 ёшга тўлмаган фарзандлари, учинчидан, ногиронлиги бўлган 16 ёшга тўлмаган болалар.

Бериладиган бир марталик моддий ёрдам миқдори ҳар бир бола учун 500 минг сўм этиб белгиланди. Даслабки ҳисоб-китобларга кўра, бу моддий ёрдам 810 мингдан ортиқ болаларга тарқатилди ва бунинг учун 400 миллиард сўмдан зиёд маблағ ажратилди.

Шу билан бирга, қарорга биноан, республикамиздаги барча бошланғич, умумий ўрта таълим ва соғлиқни сақлаш муассасаларининг ходимлари марказлашган тартибда 2020 йил 1 октябрга қадар гриппга қарши бепул эмланади.

Ўзбекистон Республикаси Президентининг ҚАРОРИ

«МАРД ЎҒЛОН» ДАВЛАТ МУКОФОТИ БИЛАН ТАҚДИРЛАШ ТЎҒРИСИДА

Мамлакатимизда амалга оширилаётган кенг қўламли ислохотларда фаоллик кўрсатиб, ўзининг билим ва иқтидори, интилувчанлиги ва ташаббускорлиги, ҳалол ва самарали меҳнати билан Ватанимиз тараққиётига муносиб ҳисса қўшиб келаётган, юксак маънавиятли, мустақил фикрловчи, қатъий ҳаётий позиция, кенг дунёқараш ва юқори салоҳиятга эга, халқ манфаати ва юрт истиқбол учун масъулиятни ўз зиммасига олишга қодир бўлган фидойи ва мард ўғлонларимизни муносиб рағбатлантириш мақсадида:

1. Ўзбекистон Республикаси Президенти ҳузуридаги Давлат мукофотлари ва геральдика бўйича комиссиянинг Қорақалпоғистон Республикаси, вилоятлар ва Тошкент шаҳрининг иқтисодий йўналишлари фан, таълим, тиббиёт, маданият, адабиёт, санъат, спорт, ишлаб чиқариш, ҳарбий хизмат соҳалари ва ҳуқуқчи муҳофаза қилиш органларидаги фаолиятида эришган алоҳида ютуқлари учун «Мард ўғлон» давлат мукофоти билан тақдирлаш тўғрисидаги тақлифлари иловадаги рўйхатга мувофиқ маъқуллансин.

2. «Мард ўғлон» давлат мукофоти билан тақдирланганларга совриндорлик дипломлари ва кўкрак нишонлари тантанали вазиятда топширилсин.

3. Ўзбекистон Республикаси Молия вазирлиги «Мард ўғлон» давлат мукофоти совриндорларининг ҳар бирига базавий ҳисоблаш миқдорининг 50 баравари миқдоридан пул мукофоти берилишини таъминласин.

4. Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги, Ўзбекистон Миллий ахборот агентлиги, Ўзбекистон Миллий телерадиокомпанияси ва бошқа оммавий ахборот воситаларига «Мард ўғлон» давлат мукофоти соҳибларининг ибратли фаолияти, уларнинг ноёб истеъдоди ва эришган ютуқларини кенг ёритиб бориш тавсия этилсин.

5. Мазкур қарорнинг ижросини назорат қилиш Ўзбекистон Республикасининг Бош вазири А. Н. Арипов ва Ўзбекистон Республикаси Президенти Администрацияси раҳбари З. Ш. Низомидинов зиммасига юклансин.

Ўзбекистон Республикаси Президенти Ш. МИРЗИЁЕВ

Тошкент шаҳри, 2020 йил 26 август

Ўзбекистон Республикаси Президентининг 2020 йил 26 августдаги ПҚ-4814-сон қарорига илова

«Мард ўғлон» давлат мукофоти билан тақдирланганлар РЎЙХАТИ

Раҳимбаев Отабек Давлатбаевич — Қорақалпоқ давлат университетининг 3-босқич талабаси (Қорақалпоғистон Республикаси)

Сержанов Памир Оралбаевич — Нукус шаҳридаги «Оралбай Нукус» оилавий корхонаси раҳбари (Қорақалпоғистон Республикаси)

Абдухалилов Мирзохид Воҳиджон ўғли — Андижон машинасозлик институтининг 4-босқич талабаси (Андижон вилояти)

Комилов Алишер Абдуманноб ўғли — Ўзбекистон Республикаси Мудофаа вазирлигининг Ахборот-коммуникация технологиялари ва алоқа ҳарбий институти илмий ходими (Андижон вилояти)

Джурраев Феруз Хамроевич — «Хунарманд» уюшмасининг Бухоро вилояти бошқармаси аъзоси (Бухоро вилояти)

Норбоев Жаҳонжон Жўрабек ўғли — Пешку туманидаги 18-умумий ўрта таълим мактабининг 11-синф ўқувчиси (Бухоро вилояти)

Турсунов Бекзод Акбар ўғли — Тошкент архитектура-қурилуш институти таянч докторанти (Жиззах вилояти)

Халилов Раъшан Қаҳрамон ўғли — Тошкент давлат аграр университетининг 1-босқич талабаси (Жиззах вилояти)

Қодиров Фаррух Эргаш ўғли — Тошкент ахборот технологиялари университетининг Қарши филиали 1-босқич магистранти (Қашқадарь вилояти)

Очилов Мухриддин Тўлқин ўғли — Ўзбекистон Республикаси Мудофаа вазирлигининг ҳарбий қисм гуруҳ мутахассиси (Қашқадарь вилояти)

Хайдаров Суҳроб Суранбаевич — Навоий шаҳридаги 4-ихтисослаштирилган умумий ўрта таълим мактабининг 10-синф ўқувчиси (Навоий вилояти)

Эгамов Ҳусен Эркинович — Тошкент тиббиёт академиясининг 1-босқич талабаси (Навоий вилояти)

Абдухалилов Фаррух Шухратжон ўғли — Янгийўрғон тумани кўп тармоқли марказий поликлиникаси врач-эпидемиологи (Наманган вилояти)

Салойдинов Сардоржон Қодиржон ўғли — Тошкент давлат техника университетининг 1-босқич магистранти (Наманган вилояти)

Нуруллаев Ҳасан Жўрабек ўғли — Нарпай туманидаги 64-умумий ўрта таълим мактабининг 8-синф ўқувчиси (Самарқанд вилояти)

Шарипов Расул Шокир ўғли — Ўзбекистон Республикаси Давлат ҳавфсизлик хизматининг чегара қўшинлари взвод командири (Самарқанд вилояти)

(Давоми 2-бетда).

Олий Мажлис Сенати

МИЛЛИЙ ПАРЛАМЕНТАРИЗМДА ЁШЛАР ИШТИРОКИНИ КУЧАЙТИРИШ МУҲИМ

Жаҳон парламентларида 30 ёшгача бўлган депутатлар 2 фоиздан сал кўпроқни ташкил қилади. Дунё миқёсида 30 ёшгача бўлган депутатлар 2016 йилда 1,9 фоизни ташкил этган бўлса, 2019 йилга келиб бор йўғи 2,2 фоизга етган. Парламент палаталарининг 76 фоизидан 30 ёшгача бўлган депутат ёки сенат аъзоси умуман мавжуд эмас. 2016 йилдан бугунги кунга қадар ёш эркак парламент вакиллари сони ёш аёл парламент вакилларига нисбатан кескин ўсган. Бизда бу кўрсаткич 6 фоизни ташкил этади.

Кеча пойтахтимизда Олий Мажлис Сенати ҳузурида ташкил этилган Ёшлар парламенти аъзолари иштирокида «Ёшларга оид давлат сиёсати» амалга оширишда Ёшлар парламентининг ўрни ва истик-болдаги долзарб вазифалари мавзусида онлайн давра суҳбати бўлиб ўтди. Миллий парламентаризмда айнан ёшлар иштирокини кучайтириш масалалари тадбирининг муҳокама марказида бўлди.

Давра суҳбатидан Сенат аъзолари, Ёшлар ишлари агентлиги, «Юксалиш» умум-миллий ҳаракати ва бошқа му-тасадди ташкилотлар вакиллари иштирок этди.

Сенат Раиси Танзила Норбоева ўз нутқида Ёшлар парламентини ташкил қилиш таъбибуси давлатимиз раҳбари томонидан қўллаб-қувватлангани, қолаверса, бу юртимизда ёшларга оид давлат сиёсати янги сифат босқичига кўтарилганидан далолат эканини таъкидлади.

Юртимизда яратилаётган имкониятлардан фойдаланаётган билимли, замонавий фикр-лайдиган, қатъий позицияга эга ёшлар тобора ҳал қилувчи кучга айланиб бораётёр. Аммо ёшлар билан боғлиқ муаммолар ҳам йўқ эмас. Уларни ўз вақтида аниқлаш ва ҳал қилиш учун эса ёшларнинг ўзи ташаб-

бус кўрсатиши мақсадга мувофиқ. Шу боис Ёшлар парламентининг ҳар бир аъзоси ўзи истикомат қиладиган ҳудуд ёшларига тегишли муаммоларни ўрганиб, унинг сабабларини аниқлаши, шунингдек, бу ёшлар ўртасида муҳокама қилиниб, бартараф этиш юзасидан ўз тақлифларини Сенатга ҳамда халқ депутатлари маҳаллий Кенгашларига тақдим қилиб бориши зарурлиги қайд этилди.

Шу билан бирга, Ёшлар парламенти қонун ижодкорлигида ёшларнинг иштирокини таъминлаш, бўлғуси Сенат аъзолари ҳамда сиёсатчиларни тайёрлаш, яъни кадрлар захирасини шакллантириш, ёшларни улкан мақсад ва аниқ лойиҳаларга йўналтириб бориш каби вазифаларни бажаришига ишонч билдирилди.

Давра суҳбатидан Ёшлар парламенти аъзолари сўзга чиқиб, ушбу тузилма комиссияларининг келгусидаги вазифалари, парламент иш режаси ва регламенти лойиҳалари бора-сида сўз юритдилар.

Олий Мажлис Қонунчилик палатаси

КОРОНАВИРУС ПАНДЕМИЯСИ ДАВЛАТ БЮДЖЕТИНИНГ БИРИНЧИ ЯРИМ ЙИЛЛИҚДАГИ ИЖРОСИГА ТАЪСИР КЎРСАТДИМИ?

Кеча Олий Мажлис Қонунчилик палатасининг навбатдаги мажлиси бўлиб ўтди. Унда депутатлар Вазирлар Маҳкамаси томонидан тақдим этилган Ўзбекистон Республикаси Давлат бюджетининг ва давлат мақсадли жамғармаларининг 2020 йил биринчи ярим йилликдаги ижроси тўғрисидаги ҳисоботни кўриб чиқди.

Видеоконференция тарзида ўтказилган мажлисда Вазирлар Маҳкамаси маъсۇл ходимлари, Молия, Иқтисодий тараққиёт ва камбағалликни қисқартриш вазирликлари ҳамда давлат қўмиталари ва идоралар раҳбарлари иштирок этди.

Ҳисоботда таъкидланганидек, Давлат бюджетининг 2020 йил биринчи ярим йиллик ижроси «2020 йил учун Ўзбекистон Республикасининг Давлат бюджет тўғрисида»ги Қонунда белгиланган бюджет параметрлари доирасида коро-навиралар пандемиясига қарши



курашиш ҳамда глобал инки-роз оқибатларини бартараф этиш юзасидан қабул қилинган Ўзбекистон Республикасининг Президентининг Фармон ва қарорлари, Ҳукумат қарорларининг ижросини таъминлашга қаратилган.

Коронавирус пандемияси бутун жаҳонда бўлгани каби Ўзбекистон иқтисодиётига ҳам ўзининг салбий таъсирини кўрсатмоқда. 2020 йил биринчи ярим йил якунига кўра, мамлакат ялпи ички маҳсу-лотининг (ЯИМ) ҳажми 255,3 трлн. сўмни ташкил этиб, ўтган йилнинг мос давридаги-га нисбатан 0,2 фоиз ўсган. Давлат бюджетининг даромад-лари 58 157,0 млрд. сўмга ёки тасдиқланган йиллик параметр-

(Давоми 2-бетда).

РАҚАМЛИ ТЕХНОЛОГИЯЛАР — ТАРАҚҚИЁТНИНГ МУҲИМ ОМИЛИ



Мустақиллик, бу — энг аввало, халқимизнинг ўз тақдирига эгалик қилиш ҳуқуқидир. Бугун ҳар биримиз ифтихор билан айта оламизки, тарихан қисқа давр ичида юртимиз давлат ва жамият қурилиши борасида ҳар томонлама тараққиёт эҳди ҳамда юксалиши сари интилмоқда.

Шу ўринда бошқа йўналишлар каби ахборотлаштириш соҳаси ҳам изчиллик билан ривожланиб бораётганини қайд этиш жоиз. Бинобарин, ахборотнинг тез ва сифатли айланишини таъминлаш мамлакат раҳбарининг бош мезони саналади.

Фикр

Президентимиз давлат раҳбари сифатида ўз фаолиятининг бошидан оқиб тараққиётга эришиш учун рақамли билан ҳамда замонавий ахборот технологияларини эгаллашимиз зарур ва шартлигини, бу бизга юксалишнинг энг қисқа йўлидан бориш имкониятини беришини, зеро, бугун дунёда барча соҳага ахборот технологиялари чуқур кириб бораётганини эътиборга олиш керакдир.

Дарҳақиқат, рақамлаштириш, бу — ҳаётнинг турли соҳаларига, жумладан, иқтисодиёт, таълимнинг барча босқичи, маданият, тиббиёт, туризм, қишлоқ ҳўжалиги, хизмат кўрсатиш ва бошқа жараёнларга рақамли технологияларни жорий қилиш экан, энг аввало, унинг ҳуқуқий асосларини яратиш муҳимлиги шубҳасиздир.

Кейинги йилларда давлатимиз раҳбари томонидан ахборот-коммуникация технологиялари соҳаси жадал ривожлантирилишини таъминлашда ҳал қилувчи ўрин тутган 20 дан

ортиқ Фармон ва қарорлар қабул қилинди. Ушбу ҳужжатлар ижросини таъминлаш баробарида, мамлакатда рақамли технологияларнинг кенг жорий этилиши давлат ҳамда жамият бошқаруви, иқтисомий соҳа ривожланишига, одамлар турмуши яхшиланишига эришилмоқда.

Албатта, бу соҳада амалга оширилаётган ишлар кўлами жуда катта. Чунончи, ҳозирги кунда 104 та “Электрон ҳукумат” ҳамда 87 та “рақамли иқтисодиёт” ни кенг жорий қилиш бўйича устувор лойиҳалар юзасидан ишлар олиб борилмоқда. Жумладан, “Электрон поликлинника” ахборот тизими жорий этилди, фуқароларни қийнаб турган ер-кадастр маълумотларини олиш билан боғлиқ муаммолар ўз ечимини топомқда, яъни шахарсозлик кадастри геоахборот тизими жорий қилиниб, республика ҳудудига юриллаётган давлат шахарсозлик кадастри тўғрисида батафсил маъ-

лумотларни онлайн шаклда олиш имконияти яратилди.

Шу билан бирга, юртимизда интернет ва мобил алоқа хизматлари кўрсатиш даражасини юксалтириш бўйича сезиларли ишлар рўёбга чиқарилмоқда. Жумладан, телекоммуникация инфратузилмасини ривож-

дан иккита маҳаллий мобил оператори — “Uzmobile” ва “Ucell” 5G технологиясини тест синовидан ўтказишни бошлагани, “Узбектелеком” АК “Uzmobile” филиали томонидан мавжуд мингдан ортиқ қабл станцияларини модернизация қилингани шундан далолат беради.

“**Рақамлаштириш, бу — ҳаётнинг турли соҳаларига, жумладан, иқтисодиёт, таълимнинг барча босқичи, маданият, тиббиёт, туризм, қишлоқ ҳўжалиги, хизмат кўрсатиш ва бошқа жараёнларга рақамли технологияларни жорий қилиш экан, энг аввало, унинг ҳуқуқий асосларини яратиш муҳимлиги шубҳасиздир.**”

Шунингдек, белгиланган вази-лардан келиб чиқиб, “Рақамли Ўзбекистон — 2030” дастури концепцияси ҳам ишлаб чиқилди. Ушбу концепция иқтисодиёт тармоқлари ва давлат бошқаруви тизимининг барқарор равишда рақамли ривожланишини таъминлаш бўйича асосий йўналишларини ва вази-ларни белгилайди. Концепция доирасида 2030 йилгача 14 та мақсадли кўрсаткичлар белгиланмоқда. Жумладан, оптик толали алоқа тармоғининг узунлигини 250 минг км.га, кенг полосоли мобил алоқа билан қамров даражасини 100 фоизга, электрон давлат хизматлари улуғини 90 фоизга, давлат хизматлари порталидан фойдаланувчиларни 2,5 миллионга етказиш, “электрон ҳукумат” ривожланган 30 талик мамлакатлар

каторига кириш, электрон тижорат субъектлари сонини 20 мингга, рақамли технологиялар марказлари сонини 202 тага етказиш ва шу каби бошқа кўрсаткичлар белгиланмоқда.

Айтиш лозимки, давлатимиз раҳбари ташаббуси билан соҳага оид ҳуқуқий асосларнинг яратилиши мамлакатда рақамли ривожланишнинг таъминланишида муҳим омил бўлиб хизмат қилмоқда. Замонавий ахборот-коммуникация технологиялари инфратузилмасини яратиш орқали рақамли иқтисодиётнинг изчил ривожланишига дадил қадам қўйилмоқда, соҳада қатор йирик лойиҳалар амалга оширилаётган ва бу жараён шиддат билан давом этмоқда.

Хулоса ўрнида айтганда, барча соҳада, шу жумладан, рақамлаштириш соҳасида қўлга киритилган ютуқ ҳамда натижаларни тўб ислохотларимизнинг дебочаси сифатида қабул қилиб, олиб борилаётган ислохотлар самарасини янада ошириш, албатта, ушбу соҳанинг жадал ривожланишига хизмат қилади. Шу билан бирга, халқимиз, айниқса, унинг энг фаол қатламига айланган бораётган тадбиркорларни ўйлантираётган долзарб масалаларни ҳар томонлама ўрганиш, амалдаги қонунчилик, ҳуқуқни қўллаш амалиёти ва илгор хорижий тажрибани таҳлил қилиш борасидаги ишларимизни фаол давом эттиришимиз лозим. Зеро, Ватанимиз мустақиллиги ҳар босқичда унинг улуг неъмат эканлигини ҳар нафасда англаб туришимиз жуда муҳим.

Шухрат ШАРАФУТДИНОВ,
Олий Мажлис Қонунчилик палатаси депутати.

«Ўзбекистонда миграция масаласида дастлабки дадил қадам қўйилди, изчил механизм ишлай бошлади»



Яқинда Ўзбекистон Республикаси Президенти Шавкат Мирзиёев раислигида хорижда меҳнат қилаётган фуқароларга муносиб шарт-шароитлар яратиш ва улар билан тизимли ишлаш юзасидан видеоселектор йиғилиши ўтказилган эди. Ўзбекистон тарихида илк марта бундай форматда муҳожама қилинган ушбу масала халқаро жамоатчилиқда қизиқиш уйғотди. Қуйида хорижий экспертларнинг шу ҳақдаги фикрлари билан танишасиз.

Эътироф

Бахтиёр ИСМОИЛОВ, ҳуқуқ ҳимоячиси, “Саховат” (Россия) фонди ижрочи директори:

— Мана, 12 йилдан ошдики, Россияда ҳуқуқ соҳасида хизмат қилиб келяман. Ўзбекистон Президенти Шавкат Мирзиёев иштирокида ташқи меҳнат миграцияси бўйича ўтказилган видеоселектор йиғилишида кўтарилган масалалар, вазирлик ва идоралар раҳбарлари олди-га қўйилган вазифалар билан танишиб, тўғриси, шу йўналиш билан шуғулланувчи ҳуқуқшунос сифатида жуда қувондим.

Хорижда ўз меҳнат фаолиятини олиб бораётган фуқароларга қўлайлик яратиш, уларнинг яшаш, ишлаш шартларини яхшилаш борасида кўзда тутилган чора-тадбирлар амалга оширилса, бу ишга барча мутасадди ташкилот, тегишли вазирлик ва идоралар бош қўшиб, ўз вазифаларини виждонан, тўла-тўқис бажарсалар, биз миграция соҳасида мутлақо янги чарча манзарага гувоҳ бўламиз. Шундагина бу йўналиш бугунги цивили-

зация шартларига мос, инсонпарварликка асосланган тарзда ривожлана бошлайди. Хусусан, айна жараёнда таълим дастурларининг бажарилиши ҳам малакали кадрлар тайёрлашга йўналтирилади.

Шу ўринда мазкур селектор йиғилиши мутлақо ўзига хос тарзда, мисли қўрилмаган даражада ўтганини таъкидламоқчи эдим. Нима учун? Шахсан мен ҳеч қачон бирор мавжуд муаммоларни ҳал этишга бу даражада кўп давлат идоралари жалб этилганини ёки мутасаддиларда бу даражада кенг қамровли, кўплаб стратегик вазифалар қўйилганини кўрмаганман.

Ҳозир биз бир нарсани тўғри англаб етишимиз керак. Айна пайтда бутун дунё пандемиядан кейинги мураккаб бир даврга кириб келяпти. Барча мамлакатларда, ҳатто, энг ривожланган давлатларда ҳам аҳолини иш билан таъминлаш, ишсизликни камайтириш масаласи ўта долзарб муаммага айланган. Шу маънода, Ўзбекистон ҳукумати Президент бошчилигида айнан шу

масалага бугунги кунда устувор аҳамият қаратаётгани диққатга сазовор.

Айтмоқчиманки, Ўзбекистонда бу борада дастлабки далил қадам қўйилди, изчил механизм ишлай бошлади. Шу билан бирга, бу, ишнинг бошланғич эканлиги ҳам унутмаслик керак.

Яна бир муҳим жиҳат. Давлат раҳбари масалага жуда кўюнақлик, ҳижо-ҳажон билан ёндашяпти. У бугунги кунда хорижда меҳнат қилаётган ҳамюртларимизни замонавий ҳақрамонлари, деб атайпти. Буни мулозимларга, турли даражадаги раҳбарларга қаратилган олдидай қачирки сифатида қабул қилиш лозим. У барчадан ушбу масалага янги чарча ёндашишни талаб қилляпти. Сабаби энди мигрантларга нисбатан кишилар онгиде сунъий равишда шикантланган аввалги муносабатини замон кўтарадими.

Умид қилаймизки, Ўзбекистон Президенти белгилаб берган юксак марраи барча мутасаддилар яши англаб етсади ва олдидан турган вазифалар бажарилиши учун зарур чоралар қўрилади.

Наргиза МУРАТАЛИЕВА, эксперт, сиёсий фанлар номзоди, “Cabar.asia” нашри таҳлилий материаллар муҳаррири:

— Тан олиш керак, коронавирус пандемияси жуда кўп жабҳалар қатори миграция соҳасидаги муаммоларни ҳам юзага чиқарди. Аниқроқ айтганда, Марказий Осиё давлатларининг муҳожириликдаги айрим фуқароларнинг эпидемия даврида қийин вазиятга тушиб қолгани аққол кўринди.

Таҳлилларга қараганда, Қирғизистон мигрантлар юборган пул ўтказмалари бўйича жажонда етакчилардан ҳисобланган. 2019 йил якунига қўра, қирғизистон йўналишига мўлжалланган маблағ жами давлат қарзининг қарийб 30 фоизини ташкил этди.

Ўзбекистон ҳақида гапирадиган бўлсак, бугунги кунда мамлакат аҳолисининг 2,5 миллионга яқини мамлакат ташқирисидан ишлайди. Бу иқтисодий фол яъни меҳнатга лаёқатли фуқароларнинг таъминан 20 фоизга тенг. Қўриниб турибдики, миграция билан боғлиқ масалалар, юзага чиқётган муаммолар Қирғизистон учун ҳам, Ўзбекистон учун ҳам жуда долзарб. Шу ўринда бир нарсани таъкидламоқчиман. Сунги йилларда Ўзбекистон раҳбариятининг ташаббуси

билан соҳада амалга оширилаётган ислохотлар, хусусан, чет элдан меҳнат қилаётган ўз фуқаролари аҳолини яхшилаш, уларга қўлай шарт-шароитлар яратишини таъминлаш борасидаги самарали ва ижобий тажриба бошқа давлатлар, чунончи, Қирғизистон учун ҳам фойдали бўлиши мумкин.

Масалан, ҳукумат таркибиде Бош вазирнинг Таълим меҳнат миграцияси масалалари бўйича маслаҳатчи-си лавозимини жорий қилиниши Ўзбекистон ушбу соҳада жуда жиддий сиёсат олиб бораётганидан далолат. Қолаверса, Ўзбекистоннинг яна бир фойдали ташаббуси — хорижий давлатларда ишлаётган фуқароларни қўллаб-қувватлаш фонди тузилгани ҳам эътирофга лойиқ.

Ушбу жамғарма олди-га қўйилган мақсадларни бажариш учун айна пайтда 100 миллиард сўм афри-да маблағ ажратилган. Табиийки, ушбу қўмак меҳнат муҳожирилари шартларини сезиларли даражада яхшилашга хизмат қилади. Бундан ташқари, мигрантларга 10 миллион сўмгача миқдорда ҳам фонзи кре-



дитлар бериш ҳам режалаштириляпти. Мазкур маблағлар йўлқари харажатлар, патент ва суғурта билан боғлиқ тўловларни қоплашда асқатади.

Яна бир муҳим ташаббусни кўнчилик илиқ қабул қилди. “Олтин дафтар” деб номланган ягона маълумотлар базасига хорижда муваффақиятли фаолият олиб бораётган ўзбекистонликлар киритилди. Булар, келажакда мамлакат иқтисодиётига инвестиция киритиш имкониятига эга тажрибали мутахассислар — хориждаги обрўли олий ўқув юртли профессорлари, халқаро ташкилотлар ва компаниялар ходимларидир.

Менимча, улар ўз меҳнати, салоҳияти, қобилияти нафақат хозир истиқомат қилаётган давлат, балки ўзлари туғилиб ўган Ватани ривожий йўлида ҳам сарфлашга тайёр эканлига шубҳа йўқ.

«Халқ сўзи».

ЯНГИ ДАРСЛИКЛАР

УЛАРНИНГ АВВАЛГИЛАСИДАН АФЗАЛЛИГИ НИМАДА?

Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги, Халқ таълими вазирлиги ҳамда Республика таълим маркази ҳамкорлигида “KOLORPAK” ва “GREDO PRINT GROUP” МЧЖлари ҳамда “Ўзбекистон” нашриёт-матбаа ижодий уйига пресс-тур ташкил этилди.

Пресс-тур

Республика таълим маркази директори Шухрат Сатторов иштирокида 2020/2021 ўқув йили учун нашр этилаётган дарсликларга киритилган янгиликлар тўғрисида маълумот берди. Журналистларнинг янги чоп этилаётган дарсликлар савияси ва уларнинг аввалгиларидан фарқи жиҳатлари хусусидаги саволларига жавоб қайтарди.

Айтиш лозимки, 2020/2021 ўқув йили учун 1, 4, 5-синфларга мўлжалланган жами 558 номдаги дарслик ва ўқув-методик қўланмалар чоп этилиши режалаштирилган. Шундан 346 номдаги умумтаълим мактаблари учун, 160 номдаги имконияти чекланган болалар учун, 52 номдаги си мултимедиа иловалари ҳисобланади.

— Дарслик ҳамда ўқув-методик қўланмаларни нашрга тайёрлашда асосий эътибор маъруз ва сифат жиҳатидан халқаро талабларга жавоб беришига қаратилди, — дейди Ш. Сатторов. — Бунинг учун амалиётчи ўқитувчилар ҳамда фан методистлари, салоҳиятли олимлар томонидан дарсликлар бир неча бор экспертизадан ўтказилди. Экспертиза хулосалари асосида эса дарсликлар муаллифлари, нашриёт ходимлари ҳамда фан методистлари ҳамкорлигида дарсликлар қайта ишланиб, маъмуни ва иллюстрацияларига тегишли ўзгаришлар киритилди. Бугунги кунда қайта нашрга тавсия этилган, иллюстрацияси эскириб кетган, ёрқин рангларда бўлмаган, чизилган расмлар ўзининг жозиба-

дорлигини йўқотган дарсликларни тақомиллаштириш бўйича ишлар олиб борилмоқда. Бу йилги чоп этилаётган дарсликлар қайта нашрдаги дарсликлар бўлганлиги сабабли асосий эътибор уларнинг маъмуни ва дизайнига қаратилди.

Шуни айтиш кераки, ҳозирга қадар Республика таълим марказига фойдаланувчилар томонидан 8 мингдан ортиқ тақлифлар келиб тушди. Ушбу тақлиф ва мулоҳазалар ўрганиб чиқилиб, дарсликларнинг даврийлик асосида нашрга тайёрлаш жараёнида инobatта олинмоқда. “Дарсликлар муҳокамаси” Telegram каналига жорий йилда янги ва қайта нашр этилаётган дарсликларнинг PDF нусхалари босқичма-босқич қўйиб берилмоқда. Ҳозирги кунга қадар бу каналга 225 дан зиёд тақлифлар келиб тушди. Тақлифларнинг асосий қисми дарслик маъмуни, бир қисми дизайн ҳамда имловий хатоларни тўғрилаш ҳақида бўлиб, улар дарсликларни нашрга тайёрлаш жараёнида инobatта олинмоқда.

Жорий йилдан 1 — 9-синфлар учун “Тарбия”, 5, 8, 9-синфлар учун “Информатика”, 4, 5-синфлар учун “Технология”, 4-синф учун “Ўзбек тили”, 10 ва 11-синфлар учун “Она тили” ҳамда “Ўзбек тили” фани ўқитувчиларига учун методик қўланмалар яратилиши асосий янгиликлардан ҳисобланади.

Дарсликларни нашрга тайёрлашда, биринчи навбатда, ўқувчиларнинг ёши ва пси-

хо-физиологик хусусиятлари инobatта олинди. Шунингдек, дарслик маъмунида мавжуд бўлган тақдорланган баргараф этилди, халқаро тажрибага сунган ҳолда, дарсликнинг дизайни ҳамда фото-иллюстрацияларига ўзгаришлар киритилди.

Шу билан бирга, фанлар кесимида фанлараро боғлиқлик ва синфлараро узвийлик таъминланди.

Кўзи оғиб ўқувчилар учун чоп этилаётган Брайл алифбосидаги дарсликларга бўртма шаклдаги расмлар ҳамда хариталар киритилди. Илк бор 10 ва 11-синфлар учун 9 номдаги Брайл дарсликлари ҳамда кар ва заиф эшитувчи ўқувчилар учун 4 номдаги янги дарсликлар тайёрланмоқда.

Янгиликлардан яна бири — мавзуларни қўшимча маълумотлар билан бойитиш мақсадида дарсликларга QR-код ўрнатилди. Таълим қардош тилларда олиб бориладиган мактаблар учун 5-синф адабиёт дарсликларига ўзбек ва жажон адабларининг ҳаёти ҳамда ижодидан намуналар киритилгани ҳам дарсликлардаги янгилик ҳисобланади.

Вазирлар Маҳкамасининг “Умумий ўрта таълим муассасаларида “Тарбия” фанини босқичма-босқич амалиётга жорий этиш чора-тадбирлари тўғрисида”ги қарори билан янги “Тарбия” фани жорий этилди. Янги фан дарсликларидеги амалиётга йўналтирилган маълумотлар ва мавзулар ўқувчида муваффақият мотивларини ўйғотади, фаол фуқаролик позициясини шакллантиради.

Энг муҳими, дарсликлар инновациядан ёндашув асосида тайёрланди. Бунда ўқувчиларда манчқий фикрлашга йўналтирилган таълимий йўналиш, машқлар, масалалар ва топшириқлар амалий кўникмаларни ривожлантиришга йўналтирилди.

«Халқ сўзи».

Ўзбекистон Республикаси Олий ва ўрта махсус таълим вазирлиги

Тошкент тўқимачилик ва энгил санoат институти

вакант (бўш) профессор-ўқитувчилар лoвoзимларига танлов эълон қилади.

1. Технологик машиналар ва жиҳозлар кафедраси	ассистент
2. Мухандислик ва компьютер графикаси кафедраси	ассистент
3. Тўқима матолари технологияси кафедраси	ассистент
4. Ипак технологияси кафедраси	катта ўқитувчи
5. Тикув буюмларини конструкциялаш ва технологияси кафедраси	доцент, ассистент
6. Чарм буюмларини конструкциялаш ва технологияси кафедраси	доцент
7. Костюм дизайни кафедраси	доцент, ассистент
8. Кимёвий технология кафедраси	ассистент
9. Физика ва электротехника кафедраси	катта ўқитувчи, ассистент
10. Тиллар кафедраси	доцент (рус тили), катта ўқитувчи (инглиз тили), ассистент (инглиз тили)
11. Матбаа ва қадоқлаш жараёнлари технологияси кафедраси	катта ўқитувчи, ассистент
12. Технологик жараёнлар ва ишлаб чиқаришни автоматлаштириш ва бошқариш кафедраси	ассистент
13. Корпоратив бошқарув кафедраси	доцент
14. Йигириш технологияси кафедраси	доцент

Танловда иштирок этишни аҳолиларнинг ректор номига ариза билан кадрларни ҳисобга олиш бўйича шахсий варақа, дипломлар ва аттестатлар нусхалари, илмий ишлар ҳамда иختиролар рўйхати, малака оширганлик тўғрисида ҳужжатлар нусхаларини топширади.

Аризалар эълон чиққан кундан бошлаб бир ой мuddатда қабул қилинади.

Эслатма: мазкур институтда ишловчи шахслар ўтган мuddат бўйича кафедраларда ҳисобот беради, танловда қатнашувчилар синов дарслари ўтказилади.

Манзил: Тошкент шаҳри, Яққасарой тумани, Шоҳжаҳон кўчаси, 5-уй, 1-бино, 210-хона. **Телефон:** 71-253-17-78.

Ўзбек Миллий академик драма театри жамоаси Ўзбекистон халқ артисти

Дилбар ИКРОМОВАнинг вафоти муносабати билан марҳумнинг оила аъзолари ва яқинларига чуқур ҳамдардлик билдиради.

«Халқ сўзи»га 9.00 дан 18.00 гача **71-232-10-63, 71-232-11-15.** **ЭЪЛОНЛАР** **ҚАБУЛ ҚИЛИНАДИ.** E-mail: reklamaxs@mail.ru reklama@xs.uz

МАЪРИФАТ МИНОРАСИ

Халқни илм, маърифат улғайтиради, орзуларига шиддат, ғайрат беради. Миллий тикланишдан миллий юксалиш сари интилишларимизда эришаётган ютуқларимизга, жамият равақига, халқ фаровонлиги йўлида амалга оширилаётган буюк ишларда олий таълим муассасаларининг роли ҳал қилувчи аҳамият касб этади. Азалдан миллатимизнинг инсон капиталини яратиш келган олий таълим муассасалари — мадрасаи олиялар тарихимизда ўнмас из қолдирган. Шуниси диққатга моликки, миллий ҳамда жаҳон илм-фани, таълим тизими тараққиётига салмоқли ҳисса қўшган, қўнға ва ҳамшира навқирон Самарқанд давлат университети — мадрасаи олия ўзининг муборак олти асрлик тўйини нишонламоқда.

Акс садо

Жаҳоний шаҳар Самарқанднинг юраги — Регистонда буюк бобомиз, олим султон Мирзо Улуғбек бош бўлиб қурдириб, 1420 йилнинг 21 сентябрь кунини шахсан ўзи очиб берган мадрасаи олия муборак 600 ёшга тўлади. Бу қутлуг ёшга у Самарқанд давлат университети мақомида, сиймосида кутиб оляпти. Олий таълим даргоҳининг шаклида замонавийлик барқ уриб турибди. Аммо унинг шамоилида 600 йиллик донишмандлик, тарих, маънавият мужассам.

Бугун Самарқанд сўзидан — университет, университет сўзидан — Самарқанд нурафшон. СамДУ дунёнинг энг машҳур, қадимий университетларига тарихдош, тақдирдош. Уни мамлакатни 40 йил тинч, омон бошқарган, буюк астроном, тарихчи, файласуф бобомиз, соҳибқирон Амир Темур “Улуғим”, деб эркаклаган ажодимиз Мирзо Улуғбек қурдиргани ҳам шарафга буркайди. Буюк султон нафақат чексиз узокликдаги юлдузларни, балки бугунги бизларни ҳам олти асрлик масофадан кўрган бўлса, не ажаб? Шунинг учун 1420 йил 21 сентябрни дунёнинг илмий марказларидан бири бўлган Улуғбек мадрасасининг очилиши — Самарқанд давлат университети тарихининг бошланиши, дейишга тўла ҳақлимиз.

Мадрасаи олия — халқаро олий билим юрти, ҳозирги тилда айтганда, университет эди. “Университет” сўзининг бугунги маъноси буни исботлаб беради. Мана: “Universitat, бу — бу олий таълим муассасаси бўлиб, унда фундаментал ва амалий фанлар бўйича мутахассислар тайёрланган. Одат-

да университетларда илмий тадқиқот ишлари ҳам олиб борилган”, дейилади Википедияда. Мадрасаи олия ўз номи билан университет бўлган. Унда ўқитилган фанлар номи ва сони мадрасаи олияга универсаллик бахш этган. Жумладан, ушбу даргоҳда риёзиёт, илми хайъат, ҳандаса, журғофия, тарих, тиббиёт, мусика, мантик, аруз (шаръият), теология, ҳадис, филх, адаб, илми хикмат, илми калом, араб тили ўргатилган. Бугунги талқинда айтганда, нафақат диний, балки математика, астрономия, физика, кимё, геодезия, фармакология, тиббиёт, тарих, фалсафа, адабиёт каби ижтимоий-гуманитар, аниқ ҳамда табиий фанлар ўқитилган. Чунки буюк бобомиз Имом Бухорий лафзи билан айтганда, нафақат диний, балки дунёвий “Илмсиз наҳот йўқ ва бўлмағай”.

Мадрасаи олиянинг олимлари гуманитар ҳамда аниқ фанларнинг турли соҳаларида илмий тадқиқотлар олиб борган, нодир асарлар яратган ва изланишлар натижаларини, кашфиётларини шу жойнинг ўзида — мадрасада ҳаётга татбиқ этганлар. Интернетга қарасак, бугун ана шундай мақомга чиққан — таълим беришга, илмий тадқиқотларни ҳамда билим натижаларини амалиётга жорий қилишга қодир университетлар замонавий университет деб тан олинаётганини кўриб, ҳам

ҳайратланасиз, ҳам фахрланасиз. Мадрасаи олияда қанча толиби илм дарс олгани маълум эмасдир. Лекин илм исоб, Хиротдан Самарқандда илм билан келган бир талаба исми шарифини айтишнинг ўзи ҳам мадрасаи олияни азалий ва абадий шухратга буркашга қийоф. Бу — Мир Алишер Навоийдир. Демак, Алишернинг Навоий бўлишида Самарқанд, мадрасаи олия илмий-ижодий бешик бўлди, дейиш мумкин. Шундай экан,

**Ҳақ йўлида ким санга
бир ҳарф ўқутмиш ранж ила,
Айламак бўлмас адо онинг
ҳақин юз ганж ила,**

деган оқибатли буюк шоғирд дил изохорини Самарқандда ўтган талабалик йилларини эслаб ёзган бўлса, не тонг! Ўзи таълим олган мадрасаи олияга, “ранж ила” ўқитган устозлари — мударрисларига таъзим бажо қилиб айтган бўлса, не ажаб?!

Оққан дарё оқаверади. Бугун халқимиз, дунё аҳли Самарқандга қараб, бу тарихий ворислик, анъанавийлик, маърифий қадриятларга садоқатнинг бугунги авлодлар мисолидаги улкан ибратини кўриб турибди. Мирзо Улуғбек кўрсатган улуг ибрат, илмпарварлик ташаббуси давом этмоқда. Президентимиз Шавкат Мирзиёев ташаббуси билан ўнлаб универ-

ситетлар ташкил этилмоқда. Олий таълим тизими тубдан модернизация қилинмоқда. Хусусан, Самарқанд давлат университетида ҳам шиддатли сифат ўзгаришлари амалга ошириляпти. Дунёдаги пешқадам педагогик тажрибалар, технологиялар университетда жорий этилаётгани қувонарли хол.

Давлатимиз раҳбарининг 2019 йил 8 октябрдаги Фармони билан Ўзбекистон Республикаси олий таълим тизимини 2030 йилгача янги равишда модернизацияга асосан, Самарқанд давлат университети ташкилотлар (Quacquarelli Symonds World University Rankings, Times Higher Education ёки Academic Ranking of World Universities) рейтингининг биринчи 500 та ўрнидаги олий таълим муассасалари рўйхатига киритиш вазифаси белгилаб берилди. 600 йиллик шарафли тарих, анъаналарга эга Самарқанд давлат университети бу юксак ишонччи, албатта, оқлайди. Университетда тиним билмай олиб борилаётган модернизациянинг бугунги натижалари шундан дарак бермоқда.

Вазирлар Маҳкамасининг 2018 йил 24 июлдаги қарорига асосан, 2018 — 2021 йилларда Самарқанд давлат университети фаолиятини янада такомиллаштириш бўйича комплекс чора-тадбирлар дастури ишлаб чиқилиб, амалга ошириляётгани ўзгаришларга қуч-қувват



бермоқда. Хусусан, фундаментал ҳамда амалий тадқиқотлар қўлими кенгайтирилди, Марказий Осиё ҳудудида фаолият юритган алломаларнинг ислом маданиятига қўшган ҳиссаси, илм-фанга доир қўлёзмалари, нодир китоблари ва бошқа қадимий манбалар кенг тарғиб қилинмоқда.

Самарқанд давлат университети мамлакатимизда кечаётган ислохотлар билан ҳамқадам. Президентимиз қарорлари асосида мактабгача таълим тизимининг замонавий талаблар асосида барпо этилиши, мактаб, академик лицейлар фаолияти такомиллаштирилиши, янги институт ва университети ташкилотлар (Quacquarelli Symonds World University Rankings, Times Higher Education ёки Academic Ranking of World Universities) рейтингининг биринчи 500 та ўрнидаги олий таълим муассасалари рўйхатига киритиш вазифаси белгилаб берилди. 600 йиллик шарафли тарих, анъаналарга эга Самарқанд давлат университети бу юксак ишонччи, албатта, оқлайди. Университетда тиним билмай олиб борилаётган модернизациянинг бугунги натижалари шундан дарак бермоқда.

**Мухаммадjon ҚУРОНОВ,
Республика Маънавият ва
маърифат маркази
раҳбарининг биринчи
ўринбосари, педагогика
фанлари доктори, профессор.**

«МИКРОКРЕДИТБАНК» СЎХ ТУМАНИДА

5 МИЛЛИАРД СЎМЛИК ЛОЙИХАЛАРНИ АМАЛГА ОШИРИШДА ИШТИРОК ЭТМОҚДА

Бугунги кунда Фарғона вилоятининг Сўх туманини ҳар томонлама ривожлантириш, ушбу ҳудуд аҳолисига муносиб ва қулай турмуш шароити яратишга алоҳида эътибор қаратилмоқда. Энг муҳими, жалб этилаётган ресурслар, амалий ҳаракатлар самараси ҳозирданок кўзга ташланипти.

Молия муассасаларида

Хусусан, “Микрокредитбанк” акциядорлик тижорат банки жамоаси ҳам Сўх туманини ижтимоий-иқтисодий ривожлантириш борасидаги лойиҳаларда фаол иштирок этишга бел болаган. Гап шунданки, Президентимизнинг шу йил 5-6 июнь кунлари Фарғона вилоятига ташрифи доирасида Сўх туманини ривожлантириш бўйича “Микрокредитбанк” АТБ томонидан қўйилган 5 миллиард сўм бўлган 6 та лойиҳани ишга тушириш орқали жами 140 кишининг бандлигини таъминлаш белгиланган эди. Хўш, ушбу лойиҳалар қайси йўналишда ва туман иқтисодиётига, одамлар ҳаётига қандай наф беради? Ахир ҳар қандай лойиҳага шу жихатдан ёндашишда ва у ана шундай талабларга жавоб беришига уни истиқболли, дея баҳолаш мумкин бўлади.

Шу маънода айтиш мумкинки, мазкур лойиҳаларнинг барчаси узокни кўзлаб амалга оширилмоқда. Яъни аниқ мақсади бор. Масалан, “Сўх дунё жаҳон транς” масъулияти чекланган жамияти томонидан логистика хизматини ташкил этиш кўзда тутилган. Лойиҳанинг умумий қиймати 1,8 миллиард сўм бўлса, шундан 1 миллиард сўми банк кредити, қолгани жамиятнинг ўз маблағи.

“Ҳаётхони машҳурий Сўхий” масъулияти чекланган жамияти жамоаси эса ўз олдига мебель ишлаб чиқаришни мақсад қилиб қўйган, бунинг учун 300 миллион сўм маблағи бор. Лекин лойиҳани тўлиқ рўёбга чиқариш учун ушбу сарможа камлик қилиши аниқ. Шундай пайтда унга “Микрокредитбанк” томонидан 200 миллион сўм кредит ажратилиши аниқ мўддао бўлди.

“Маскани Маъмураи Сўхи” хусусий корхонаси ҳам умумий қиймати 1 миллиард 450 миллион сўмлик аҳолига маънавий хизмат кўрсатиш объектини қуриш

ишларини бошлаган. Бунинг учун банк тадбиркорлик субъектига 500 миллион сўм сарможа ажратилган бўлди.

Худуддаги “Тиллоев Набижон” масъулияти чекланган жамиятига эса 100 миллион сўмлик сарможа берилиши режалаштирилган. Тадбиркор ушбу кредит, қолаверса, ўзининг 400 миллион сўм маблағи эвазига автомобилларга техник хизмат кўрсатиш шохобчаси фаолиятини йўлга қўйишни мақсад қилган.

Айни пайтда банк томонидан шу ва бошқа лойиҳалар босқичма-босқич молиялаштирилмоқда.

Бундан ташқари, давлатимиз раҳбарининг “2020-2021 йилларда Фарғона вилоятининг Сўх туманини комплекс ижтимоий-иқтисодий ривожлантириш чора-тадбирлари тўғрисида”ги қарорига асосан, яқинда туманининг “Себзор” маҳалла фуқаролар йиғини ҳудудида “Фармонжон минимаркет” хусусий корхонаси томонидан адрас, атлас ва трикотаж маҳсулотлари ишлаб чиқариш ҳамда ипақдан кўлдаги гилам тўқиш кооперацияси ташкил этилди.

Ушбу лойиҳалар орқали ҳудуддаги 120 нафар кам таъминланган оила вакиллари бандлигини йўлга қўйиш назарда тутилган.

Албатта, юқоридаги лойиҳаларни сифатли амалга ошириш учун ҳудудда банк шохобчаси фаолият юритиши талаб этилади. Шундан келиб чиқиб, яқин кунларда тумандаги “Истиклол” маҳалла фуқаролар йиғини ҳудудида замонавий “Банк хизматлари маркази” ишга туширилади. Бу, табиийки, туман аҳолисига янада қулайлик яратди.

Банк ахборот хизмати.

Хизматлар лицензияланган.

РЕКЛАМА

SANOAT QURILISH BANK

29 йил

Мустақиллик байрамингиз муборак бўлсин!

Юртдошларимизни 1 сентябрь — Ўзбекистон Республикаси Мустақиллигининг 29 йиллик шодиёнаси билан самимий табриклаймиз. Янги тараққиёт сари одимлаётган Ўзбекистонни ривожлантириш йўлида меҳнат қилаётган халқимизга қуч-қувват, сиҳат-саломатлик тилаймиз. Мамлакатимиз бундан-да равнақ топиб, гуллаб-яшнайсин, юртимиз тинч, осмонимиз мусаффо бўлсин!

«Ўзсаноатқурилишбанк» АТБ жамоаси.

TRASTBANK

29 йил

«ТРАСТБАНК» ХУСУСИЙ АКЦИЯДОРЛИК БАНКИ ЖАМОАСИ ЎЗБЕКИСТОН АҲОЛИСИ ВА МЕҲМОНЛАРИНИ ЭНГ УЛУҒ БАЙРАМИМИЗ — ВАТАНИМИЗ МУСТАҚИЛЛИГИНИНГ 29 ЙИЛЛИГИ БИЛАН ЧИН ҚАЛБДАН МУБОРАКБЎД ЭТАДИ!

Хонадонингизга бахт ва омад, дастурхонингизга тўқинлик ҳамда муқаддас Ватанимизнинг янада гуллаб-яшнаши йўлидаги бунёдкорлик фаолиятингизга улкан зафарлар тилайди. Ватанимизнинг осмони мусаффо ва қалбларингиз доимо қувончга тўлсин!

Байрам муносабати билан «Трастбанк» хусусий акциядорлик банки миллий валютада йиллик 18 фоиздан «Даромат» омонатини тақлиф этади. Омонат муддати — 24 ой. Омонат бўйича бошланғич бадал — 500 000 сўм.

Омонатчи омонатни муддати тугамастан қайтариб олмақчи бўлса, ҳар олти ойига ҳисобланган фоиз тўлиқ тўлаб бериллади.

Телефон: 78-140-00-88.
Telegram: https://t.me/trustbankuz
Facebook: https://facebook.com/trustbank_uz
Instagram: https://www.instagram.com/trustbank_uz/

Хизматлар лицензияланган.

Халқ сўзи
Народное слово

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 856. 31 961 нусхада босилди, ҳажми — 2 табоқ, Ғофсет усулида босилган. Қоғоз бичими А—2. Баҳоиси келишилган нарҳда.

Газетамиз ҳақидаги маълумотларни оқибат олиш учун QR-коднинг телефонингиз орқали сканер қилинг

ТЕЛЕФОНЛАР:
Девонхона 71-233-52-55;
Котибият 71-233-10-28; Эълонлар 71-232-11-15.

ISSN 0010-0784

Тахриратга келган қўлёзмалар тақриб қилинмайди ва муаллифга қайтарилмайди.
Газетанинг сўзсиз берилиши учун обунани расмийлаштирган ташкилот жавобгар.
Газета тахрират компьютер марказида терилди ҳамда оператор А. Исмаилов томонидан саҳифаланди.
Газетанинг полиграфик жиҳатдан сифатли чоп этилишига “Шарқ” нашриёт-матбаа акциядорлик компанияси масъул. Босмахона телефони: 71-233-11-07.

• МАНЗИЛИМИЗ:
100000,
Тошкент шаҳри,
Матбуотчилик кўчаси, 32-уй.
Навбатчи муҳаррир — Д. Соликов.
Мусахҳиҳ — С. Исмолов.

“Шарқ” нашриёт-матбаа акциядорлик компанияси босмахонаси. Корхона манзили:
Буюк Турон кўчаси, 41. ЎЗА яқини — 23.30 Топширилди — 00.20 1 2 3 4 5 6